



UNIVERSITÄTS-
BIBLIOTHEK
PADERBORN

**R. P. Christiani Mayer E Societate Iesv, Diarivm
Meditationvm, De Præcipvis Vitæ Christi mysteriis**

Mayer, Christian

Coloniæ Agrippinæ, 1635

2. Quod homo peculiariter sit simulacrum, templum, & speculum SS.
Trinitatis

[urn:nbn:de:hbz:466:1-60091](https://nbn-resolving.org/urn:nbn:de:hbz:466:1-60091)

nuare æternum, modò tu erga ipsum te bonum filium, gratum fratrem, fidelem sponsam præstare velis; seipsum tibi, ineffabili modo, in præmium dando, suæque infinite beatitudinis te pervisionem, amorem, & fruitionem beatificam participem reddendo. O quàm incomprehensibilis illa infinita Dei beatitudinis participatio! At quanto incomprehensibilior tanta Dei hanc conferentis dilectio? Affectus ijdem renouandi.

II. *Quod homo peculiariter sit simulacrũ,
seu imago, templum, & speculum
SS. Trinitatis.*
Ex eadem
medit. de
amore spi-
rit S. Ignatij,
rij, p. 2.

SANCTISSIMA Trinitas voluit hominem, præ ceteris creaturis, sibi simillimum condere, & viuum sui referre simulacrum, ad demonstrandum præclarissimum suum erga eundem amorem. Nam sicuti in SS. Trinitate vna est natura diuinã, & tres personæ inter se realiter distinctæ; sic in homine vna est anima spiritualis, & tres spirituales potentie, memoria, intellectus, & voluntas. Et sicut Deus se intelligens producit verbum; Pater & Filius se mutuò diligentes, spirant Spiritum

ritum sanctum ; sic homo intelligens, producit verbum mentis, seu expressam speciem & similitudinem rei intellectæ, & per amorem efficit in se inclinationem in rem amatam. Si ergo SS. Trinitas sic dilexit hominem, vt imaginem suam illi imprimere dignaretur ; quanto studio entendum foret homini, vt in illam totus per iugem eius recordationem, contemplationem, & amorem transformaretur ? quàm æquum esset, totam memoriam SS. Trinitate, diuinis eius attributis, beneficijs, & operibus ruminandis, intellectum ijsdem reuerenter profundeque expendendis, suspiciendis, magnificandis ; voluntatem affectibus admirationis, gratitudinis, amoris, alijsque sanctis desiderijs, Deum in omnibus & super omnia glorificandi iugiter, prout status præsentis vitæ patitur, eliciendis occupari ? Feruor reuerendi, amandi, & glorificandi SS. Trinitatem omni meliori modo per memoriam, intellectum, voluntatem.

III. Eadem SS. Trinitas voluit hominem assumere sibi in præclarissimum templum & sacrarium, in quo habitaret in tempore, non solum communi

muni

muni more per essentiam, potentiam, præsentiam, vti & in ceteris creaturis, sed modo etiam multò sublimiore,

1. Per gratiam sanctificantem, quâ homo diuinæ efficitur consors naturæ.
2. Per SS. Eucharistiæ participationem, in qua, vti non solum humanitas Christi, sed & diuinitas, ita & SS. Trinitas per naturalem concomitantiam homini vnitur.
3. Per nimiam familiaritatem & obstupescendam peculiaris suæ præsentiae suauitatem, quam in deuotionis exercitijs subinde sinceris seruis suis communicare dignatur?

Quanta sollicitudinæ meritò ab omni corde expurgandum, eximio omnium virtutum splendore exornandum, exquisito exemplaris conuersationis odore iugiter implendum foret illud templum, in quo habitare dignatur SS. Trinitas? Amor, zelus proficiendi in triplici via perfectionis, praxis exercitij præsentiae Dei.

III. Demum eadem SS. Trinitas dignata est hominem eligere in speculū itidem peculiarissimum, in quo in æternitate clarissimè relucere diuinæ eius perfectiones, maximè infinita Potentia Patri, Sapientia Filio, Bonitas Spiritui sancto peculiariter attribui

foli-

solita, atque à tota cœlesti curia æternum suspicerentur, amarentur, glorificarentur. Quam mirè enim hæc omnia resplendebunt in humana natura, tam potenter condita, tam sapienter reparata, tam misericorditer iustificata? tam mirabiliter in gratia conseruata? tam liberaliter gloria coronatâ?

O quanta illa dignitas hominis, quanta dignatio SS. Trinitatis! quanta ergò contentione cuique ad laborandum esset, vt, per assiduum studiũ eximix perfectionis, eximium consequeretur gradum gratiæ sanctificantis? quò enim maior in hac vita euaserit in gratia, eò lucidius euadet speculum perfectionum SS. Trinitatis in futura. Gratitude, amor, zelus eximij profectus in omni perfectione.

*De dignatione Creatoris cooperantis
cum Creaturis.*

III.

*Ex eadem
medit. p. 3.*

I. **S**ANCTISSIMA Trinitas, cuius opera, ad extra, sunt indiuisa, non solum te, omnesque creaturas in seruitium, solatiumque tuum conditas, quoad esse & posse naturale, conseruat; sed etiam cum omnibus & singulis earum, vti & tecum in omnibus & singulis actionibus naturalibus coopera-

pera-